

INUIT ATAQATIGIIT INATSIARTUNI



UKA2021/080

9. november 2021

Pipaluk Lyngge-Rasmussen

Eqqakkat plastikkiusut atoqqinneqarsinnaangornissaannik, sanaartornikkullu atorneqarsinnaangortinnissaannik periarfissat suunersut pillugu Naalackersuisut UKA2022-mut agguaassassamik nassuiaasioqqullugit Inatsisartut aalajangiiffigisassaattut siunnersuut. Nalunaarusiami pisortat namminersortullu suleqatigiissutigisinnaat, aningaasartuutaasinnaasut, inatsisitigut suut allannguutaasariaqarnersut, allatigullu tapeeriaatsikkut periarfissiisinaanissaq minguinnersumut ikaarsaariarnissamullu iliuusissat qulaajarneqassapput, kiisalu immikkoortiterinermut atortorissaarutit allallu sanaartugassaasariaqarnersut ilanngunneqassapput.

(Inatsisartunut ilaasortaq Aqqalu C. Jerimiassen, Atassut)

Siullermik siunnersuut pillug Aqqalu C. Jerimiassenimut qujarusuppugut.

Plastikkinut ataasiaannarlugit atortakkanut akerliusutut plastikit atoqqinneqartarnissaat isumaqatigaara, tassami pinngortitami plastikki arrortikkuminaatsuuvoq. Eqqoriarneqarpoq plastikki pinngortitami ukiut 5-600 missaani arrorniarsarisarisartoq, tamannalu eqqoriaanerinnarmik tunngaveqarpoq, tassami plastikki arrortoq suli takuneqarnikuunngilaq.

Ullormut inuk tons-erpassuarnik plastikkinik pilersitsisarpoq. Taakkulu nunamut immamulluunniit pigunik microplastikkinngortarput, aalisakkanut, uumasogatigiinnut allanut, imertakkatsinnut naggataagullu uagutsinnut ingerlaqqittarlutik.

INUIT ATAQATIGIIT INATSIARTUNI



Kisianni imaangilaq Kalaallit Nunaanni plastikkimik ajornartorsiuteqarneq iliuseqarfiginngikkipput. Naalakkersuisut plastikkit ataasiartakkat pillugit suliaqareerput, nuannaarutigaaralugu nassuiaasiornissaq Kalaallit Nunaanni piujuaannartitsinerulernissamut ingerlatitsiumaartoq.

Kalaallit Nunaanni eqqakkanik immikkoortiterisoqarneq ajorpoq, eqqarsarpungalu uani anguniarneqartup saniatigut immikkoortiterilernissamut ilapittuutaajumaartoq.

Siunnersuummut qujaqqikkusuppunga, siunnersuullu nuannaarlunga akueralugu, Eqqissimatitsinermut Avatangiisinullu Ataatsimiititaliamut aappassaaniinginnerani innersuullugu.